

光緒六年增修

永興齋刊

興縣續志

嶺山書院藏板

序

治天下之道因其地從其
俗而已矣因其地則順而
理從其俗則政不煩而民
安之故禹貢一書九州五
服山川田賦以及草木貢

筐之細靡不畢載而周禮
小史掌邦國之志外史掌
四方之志又歲遣小行人
徧 輶軒博採方聞反命
於王以備諮謀非以侈輿
圖之廣騁載籍之文也所

以周民隱而出治道也今
聖天子聲教誕敷無遠弗屆集
共球於萬國同書軌於八
埏

特命館臣彙修一統志因徵各
省縣邑之志以備採擇蓋

其

睿慮所周必欲舉薄海內外窮
陬僻壤之土物民風備悉
於

一人淵默之衷而後以審調劑
之空施養教之術其於理

萬國惠兆姓之意可謂深
且切矣雲簡涖茲土畱心
民瘼虛衷延訪未得其詳
適大司成懿齋孫老先
生與其兄公安侯敬岩老
先生讀禮於家雲承

休命自揣固陋敦請編緝而

先生兄弟慨然以爲己任爰

因舊志博加蒐輯刪蕪就
簡存信闕疑閱四月而書
告成凡得一十八卷雖不
敢謂纖悉之無遺憾而於

興邑山川田賦民物謠俗
之詳下至昆虫草木之細
與夫綏柔整飭補救之方
固已披簡可得亦庶幾文
獻之徵矣爰錄陳

上憲用副鉅典而復鋟梓以

貽將來冀後之人有斯土
之責者披疆域而知保障
之宜嚴閱山川而識險易
之有備議食貨之經則田
賦之豐嗇可稽也謀生聚
之道則戶口之虛盈可驗

也物產溥空節儉以惜物
力民風鄙必禮讓以興民
行觀選舉則育才造士之
方不可緩考營築知桑土
綢繆之計不可忘至於峻
節幽芳可以維風必加旌

卹崇論碩議可以佐政必
爲採行則其所以加惠興
民者豈有窮哉夫天下者
縣邑之積也守令者

天子親民之吏也興邑地
磽山瘠物贏民貧惟恃司
牧者

撫循而噢咻之然而不詳
其地則政不治物不審其
俗則化不宐民然則是編
也可以審調劑之宐施養
教之術上以少佐

聖天子周諮民隱之至治而下

貽將來守土之型使因其
地從其俗予興民樂利無
疆之休以世世享

朝廷太平之福者端賴於斯也
則卽以斯編爲芻蕘之獻
可也

雍正八年歲次庚戌孟夏
之吉文林郎知興縣事貴
陽程雲謹序

敘

天子卽位之七年德溢九瀛慮
周萬姓特命纂修一統志
因徵天下郡國志乘興侯
程公承命俾淦與弟嘉淦
共勦其事閱四月編成而

喟然曰於戲爲治之道具
於此矣今日之民猶是三
代之民也今日之法猶是
三代之法也重以

朝廷宵旰之精勤百爾撫綏之
實政固已溥海同風黎民

丕變而彈丸下邑猶有弊
之當釐政之當舉俗之當
易以煩民上之經營此非
法之未盡善而司牧之人
未盡循良也文獻無徵所
爲方俗民性之詳未盡悉

而調劑之方未盡協宜也
醫之攻病也方書具在脈
症相同猶必審其宜而變
化出之是以南北異地春
秋異候老少異年癰腫異
狀因以察其陰陽消息之

理以施標本扶抑之方然
後投之藥石無不立愈非
有異術也審其機因其勢
則事不勞而功易成也興
邑地磽民瘠待治甚殷
生長於斯目擊心維竊以

治斯土者有所易有所難
尤有所急其易者民愚可
以教忠俗陋便於返樸賦
下省於催科山險空於防
禦然民愚而執則理難驟
諭俗陋而戇則罰難遽清

田疇薄則農食窘矜式少
則士氣頹無溫文之習無
以興禮讓無貨賄之通無
以阜財求此其所難也至
於游惰聚而生囂急宐任
之以業節儉變而將奢急

空防之以禮無者碩則教
育之責不可緩無水利則
蓋藏之備不可忘額內外
之賠累甚多急空釐之使
清河南北之冲潰無常急
空障之使固守土者誠察

於方俗民性之詳以審其
緩急難易之數而得調劑
之宜然後明

天子之德意以化之申

朝廷之憲典以飭之使難者理
則易者自修急者舉則緩

者徐定不必紛更操切之
煩而俾彈丸下邑弊絕風
移民熙物阜以沐浴

聖天子一道同風之治則舍是
編其奚從焉然則覽是編
也知興之所以待治則知

興之所以治知其以治天
下之道治興卽知以治興
之道治天下也皆將於是
編乎取之

峇

雍正八年歲次庚戌孟夏

賜進士出身文林郎湖北公安
縣知縣邑人孫鴻淦謹序

序

興邑處萬山之中西界黃
河北連沙漠大萬合查諸
山雄亘東南地僻而道險
故唐張說討蘭也州間道
出色之合河關宋限契丹

明禦韃靼為邊庭要塞實
秦晉之阨隘并北之奧區
也第以舟車不通無富商
大賈地皆山坡石磧民無
藏蓋賴

國家承平百餘年屢世

聖人愛養休息生齒既繁土皆墾闢人安於業俗漸華奢
苛代以西號稱蕃庶近自
戊寅己卯之後連遭荒欠
人民多已逃散去城十里
之外土田多已荒閑余適

承乏茲土見其景象蕭條
殊不如人所云及考志乘
殊不如前所云未嘗不掩
卷而嘆夫已敝而冒盛名
則事廢而民愈累且民以
政養政以時立士君子躬

膺民社當此顛連迫切之
時而拯救無術則所學謂
何矣况

聖天子念切民依豈不欲有隱
必達

各上憲承宣

聖德豈不歆惠保無遺特以沿
褻故常下情未上達耳為
長吏者不告而更張之恐
擅為之有未協也事上而
告又恐繁且緩不迨事也
夫邑乘者利病之總匯而

情之畢達於上下者也。因
踵舊文而細核之。凡星野
建置山川物產成而不易
者。不敢置喙。若夫土田之
荒蕪。何以復闢。戶口之耗
減。何以復聚。賦稅逋欠。何

以酌租庸之平而上不虧
國風俗囂漓何以持輕重之
典而下不煩民河防何以
修築學校何以振興至於
職官之承代人物之輩出
者皆續而誌之既以自考

為次第舉行之具且體

上憲諮謀詢度之意梓成而
上之使知今昔之不同時
而斟酌回革以飭下吏且
為順時入告之先資也
乾隆二十八年歲次癸未

孟夏之吉文林郎知興縣
事韓江藍山謹序

修志姓氏

大總裁

巡撫吳康等處地方提督厲鵬等閱事務兼鑾儀衛都察院右副都御史加二級紀錄次覺羅石

提督山西等處學政翰林院侍讀加三級朱

欽差巡察山西等處地方印務翰林院侍讀加二級勵

提調

山西等處承宣布政使司布政使加七級又加二級紀錄四衣蔣

山西等處提刑按察使司按察使加二級宋

山西等處承宣布政使司分守雁平道副使加二級湯

督理山西糧屯驛傳道布政使司叅議加五級孟

本州正堂王

總裁

文林郎知興縣事程雲

貴陽府舉人

鑒修

儒學教諭侯鼎銘

神池縣拔貢

儒學訓導閻仲暉

陵川縣貢生

編輯

文林郎知公安縣事孫鴻淦

進士

順天府府尹署理工部左侍郎兼國子監祭酒

孫嘉淦

進士

候選知縣孫揚淦

進士

校正

舉人李夢庚

生員孫肯堂

白金銳

原肇

賀瑁

江左余震

訂閱生員孫肯構

崔拱

郭大定

興縣志

凡例

一興戶口田賦有積弊累民者難以遽請釐革故將邑宰申詳劄切詳明者備載之覽風者或據所載而奏請之以貽興民萬世之安此亦仁政之大端也

一選舉自唐以前不可考宋時嵐石等州入契丹故宋世無登科目者後地入於金而劉昂遂登進士劉海大魁天下焉故選舉自是始今紫荆山北沙蓬坨劉姓卽海子孫有狀元墳在焉

一典禮凡興俗之不合於禮者皆詳載之以俟維持世道之責者矯而正之

一祠祀凡淫祠以及單祠獨廟無當於正典者皆不載或正神賢祠雖小必錄如狐突廟棠陰侯祠之類是也至於香會之設男婦雜沓今雖禁止不敢行恐久而復熾守土者宜時爲查禁

一人物舊志缺畧之甚自晉隋迄今數千年可紀者數十人耳其閔忠孝節義醇儒篤行湮沒不知凡幾今雖極意搜羅而世遠無稽凡耳目所及者不敢誣亦不敢遺猶有典型其在斯冊覽

者卽什一以思千百可也至楊椒山載其祖爲小興州人而名字不傳不敢撫載

一興僻在西陲無前賢之遺跡縣東高王寨俗傳爲高歡所築亦無確據故古蹟闕焉

一縣無帝王陵墓北鄉有秦王墓縣西三里有將軍墓亦不知其代世姓名故陵墓闕焉

一抱經世之才略絕世之文章而高尚其志徵辟不至者方謂之隱逸其非稍自樹立而沒沒鄉里者所可稱也故隱逸闕焉

一興非通都名邑故英賢之託跡者甚少順治時

閻古古嘗寓此而寥寥不能成編故流寓闕焉
一舊傳貢生康敬者能仿武侯木牛流馬之意作
木馬自行數十步近有僧止非者精外科一人
病腿腫僧視之曰此有蟲敷以藥旬日開口鑷
一蟲出長可尺有咫而病愈亦方伎之流也而
聞見無幾故附記於此而闕方伎

一仙釋多屬荒唐附會之辭輿雖有伏虎巖相傳
有僧伏虎於此而無可考其年世至烏衣佳話
載縣東十里有棘針溝崖半有洞洞中有二小
兒時出與牧兒戲投之以餅則食投之以石則

匿今訪實有其溝而所謂小兒者並無其傳聞則其爲傳聞之訛可知也故闕仙釋

一祥異日月星雲地震川湧之變或係通省之休咎或係數邑之災祥非一邑所獨見至於水旱霜雪又屬天行之常其草木禽獸之反常者皆怪誕不經曾記康熙閏雨黑豆如黑豆而小味苦地均處或聚數十粒又民間生騾一身兩首合邑傳觀然亦絕無甚應不敢漫載至雍正五年十二月黃河清又六年民任萬福一產三男俱經

題奏然此皆朝廷之瑞不敢據爲一邑之光也
故闕祥異

興縣志目錄

卷之一

圖考

卷之二

星野

卷之三

建置

卷之四

疆域

卷之五

山川

卷之六

物產

卷之七

風俗

卷之八

職官

卷之九

戶口

卷之十

田賦 倉儲

卷十一

學校 選舉附

卷十二

典禮

卷十三

祠祀

卷十四

人物

卷十五

營築

卷十六

形勝

卷十七

藝文

卷十八

藝文

興縣志卷之一

圖考

周官職方氏掌天下之圖以辨邦國都鄙而周知其利害漢祖入關贊侯先收圖籍以此具知山川阨塞戶口多寡強弱之處故郡邑乘志必首圖考仰觀而星野昭俯察而疆域判山川形勝險易可指於以審方官人任土作貢畫郊圻固封守輿地利飭八材國計民生賴焉豈徒耳目之憑眺已哉作圖考

星野圖

疆域圖

縣城圖

縣署圖

文廟圖

學宮圖

黃河圖

峨嵋曉烟圖

石樓晚照圖

棲霞疊翠圖

通惠流香圖

查山積雪圖

紫荊臥雲圖


浩旻飛磴圖


仙洞澄淵圖


蓮峰石堠圖

龍嶺天橋圖









龍嶺天橋

大萬山

栖霞臺

黃尖山

石樓晚照

蓮峯石碣

仙洞澄淵

通惠流香

查山積雪

紫荊卧雲



先農壇

棲霞觀

威遠臺

廟帝關

寺聖壽

文廟

穿地應


祠冷孝

井澤門

廟八

名和門

風雲雷雨



社稷壇

邑屬壇

敵樓

勝福寺

崇慶


峨嵋山


學宮

城隍廟

高閣

女門







圖者所以形容其所言也倉庫
書院顛末均已分詳各志今
并繪圖於後聊以當覽志
者之臥遊耳



昔光緒庚辰清和之月

署縣事藩州張啓蘊塗


平常倉圖







山陽山書院



石炭溝

女塔口

東直峪

牛家川

鳳皇山

西直峪州界

神木縣川口府谷縣界

沙坨頭

天台山


春林

韓家峯

劉家溝

黑峯即歌峯

高峯灣



男林河口

大藥

狼峯溝

根浴溝

灘頭

桑溝

孫家溝

尤溝

曹家壩

峽谷



北會

黃河

南會

東津

裴家川口即許嵐川口

張黃塢

寨灘

眉天瀆

黑峪口

小木

合

葛村

西津


合河

石

石窖


盤塘

峨嵋曉煙







石樓晚照







棲霞疊翠




通惠河香

身鼎元

卷之五

一






查山積雪






紫荊卧雲





浩旻飛磴





龍嶺天橋



雙
墩



仙洞澄淵







蓮峯石堦





興縣志卷之二

星野

周禮保章氏辨九州之野皆有分星蓋躔次區
天河山紀地出來尚已故天街南北雲漢東西
州郡國都井分碁布七政之留犯五行之灾祥
感應修禳各有所主在天下者責之君相在一
國者守土之官與有責焉志星野

左傳曰實沉主參唐人是因故參爲晉星

天官書曰胃昴畢大梁趙也觜觶參伐實沉晉也
晉之疆候石辰星占於參罰

漢書曰趙地昴畢之分野西有太原定襄雲中五原皆趙分也雁門於天文別屬燕

晉書曰雁門入東井十六度太原入東井二十九度

唐書曰太原實沉之分代雲朔蔚武新嵐憲大梁之分

宋史曰河東冀州之域當觜參分野

文獻通考曰昴畢趙之分野太原定襄雁門之西境樓煩之南境皆是也尾箕燕之分野雁門之東境樓煩之北境皆是也

按分野之說諸家不同以太原屬晉則興爲紫
參分野以太原屬趙則興爲昴畢分野以樓煩
屬燕則興爲尾箕分野而李淳風作晉志謂太
原入東井則又爲井鬼分野紛紜舛錯靡所折
衷善乎唐一行之言曰天下山河分爲兩戒北
戒自三危積石東及太華逾河大行王屋抵常
山之右是爲北紀南戒自岷山嶓冢東及太華
南逾江漢至於衡陽嶺徼是謂南紀河源自北
紀之首循雍州北徼達於華陰緣大行之曲而
東是謂北河江源自南紀之首循梁州南徼達

於華陽由荆山之陽而東是謂南河故弘農分
陝爲兩河之會自陝以西爲秦涼北紀山河之
曲爲晉代南紀山河之曲爲巴蜀自陝而東爲
周宋鄭衛陳蔡北河之北爲邢趙南河之南爲
荆楚北河下流南距岱爲三齊夾右碣石爲幽
燕南河下流北距岱爲鄒魯南涉江淮爲吳越
觀兩河之象與雲漢之始終而分野可知矣五
月一陰生雲漢萌於天稷進及井鉞其氣上升
東井據百川上流故鶉首爲秦蜀得兩戒山河
之首雲漢達坤維漸而右升觜觴參伐直天闕

表而在河陰故實沉爲晉星大梁之次距河稍
遠涉陰亦深故昴畢趙分也十一月一陽生而
雲漢漸降退及艮維至斗建間故星紀得雲漢
下流百川歸焉爲吳越析水當雲漢末派九河
極焉爲幽燕由此觀之東井輿鬼山河上流當
主秦蜀大梁之次距河遠而涉陰深故昴畢主
趙應在河北無關山右析水當雲漢末派尤與
雁代無涉今雁門定襄代郡樓煩皆屬太原爲
北紀山河之曲則當主觜參信有徵矣故斷以
輿爲觜參分野至象緯休咎五行祥異應在郡

國不專爲一邑茲不具載云

興縣志卷之三

建置

先王疆理天下立國子民封建之制尙已罷侯
置守始有郡縣邑不專兵令不世襲因時救滌
其勢然也然體國經野設官分職臂指相維今
古同揆故郡邑建置等於分藩興雖慕爾越在
邊隅而北連雁代西逼麟府際中外之界當秦
晉之衝郊圻封守其寄綦重創設分隸及歷代
緣革不可以不詳志建置

昔黃帝方制天下畫野分州得百里之國萬區

左傳曰高辛氏有子曰實沈遷於大夏唐人是
因金天氏有子曰臺駘宣汾洮障大澤以處太
原興地屬太原古唐境也堯自唐侯爲天子故
於陶唐時屬唐國舜命禹平水土肇十有二州
分冀北爲幽并故於虞屬并州夏禹作貢復爲
九州故於夏屬冀州商因夏政舊服不改周成
王封叔虞於唐其子燮父改號晉故於周屬晉
晉滅地入於胡爲樓煩王所居趙惠文王滅樓
煩故又屬趙秦滅六國分天下爲三十六郡兩
漢遞有增置舊志云興邑漢汾陽縣地屬太原

郡按水經云汾水出太原汾陽縣北管涔山今
管涔山在靜樂縣則靜樂者汾陽也靜樂之西
曰嵐縣古樓煩地興又在嵐之西與樓煩近而
與汾陽隔遠班固地理志雁門郡有樓煩縣則
於秦漢似當屬雁門郡樓煩縣也三國分據地
屬於魏黃初元年復置并州自陘嶺以北皆棄
之至晉因而不改故樓煩不入中國之版圖東
晉偏安中州陸沈劉淵起兵離石爾朱雄據秀
容樓煩之境始爲重鎮屬新興郡高齊滅爾朱
氏乃於嵐州置蔚汾縣則興邑建置之始也自

是以後代有沿革條列於左

北齊蔚汾縣

隋志曰後齊置蔚汾縣大業四年改名臨泉

隋臨泉縣

隋志曰樓煩郡統靜樂臨泉秀容三縣

唐合河縣

唐書曰河東道嵐州樓煩郡本東會州領縣四
宜芳靜樂合河嵐谷註曰合河中縣本臨泉武
德三年改名臨津隸東會州九年省太和縣入
焉貞觀元年更名合河三年復置太和八年又

省入焉北有合河關東有蔚汾關舊志云以嵐
漪與黃河合故名合河

宋合河縣後改蔚汾

宋史曰嵐州樓煩軍縣三宜芳合河樓煩註曰
合河中縣有飛鳶堡舊志云宋元豐間以其瀕
河地狹東遷五十里川谷寬平處置邑今縣治
是也改名蔚汾隸岢嵐州

金合河縣後升興州

金史曰嵐州縣三宜芳合河樓煩合河有三鎮
曰合河津乳浪鹽院渡舊志云興定二年改爲

興州

元興州

元史曰興州唐臨津縣隸嵐州又改合河金升興州隸太原路元因之舊志云中統二年改興州爲合河縣三年復改興州

明興縣

舊志云洪武二年改興州爲興縣隸太原府九年屬岢嵐州永樂以後復隸太原

國朝定鼎太原府領州五縣二十興縣隸焉雍正三年改保德爲直隸州以興縣河曲縣屬之故今

隸保德州

雍正八年撫都院石因保德道路迂迴官民不便題請仍歸隸太原府

興縣志卷之四

疆域

書曰表厥宅里殊厥井疆申畫郊圻慎固封守
左傳曰正疆域固封守謹王度也武經邊防云
嵐石隰三州西北至黃河入麟州路宜置關戍
按嵐州瀕河之地皆屬興邑南接雜石洪嶺北
連大山保德東阻秀容嵐谷之險而西緣大河
與麟府葭蘆相望雖云僻壤實要區也此疆爾
界廣狹險易守土者所宜詳志疆域

縣境

東西一百一十里南北一百五十里由縣治東南至太原府省城四百里東北至

京師一千六百里

四至

東至嵐縣上會村六十里西至黃河五十里南至臨縣界堠塢八十里北至保德州寺河塔七十里

八到

東北到苛嵐州界七十里東南至臨縣界九十里西北至府谷縣界七十里西南至葭州一百

二十里

都鄉

舊志云原分十二都嘉靖三十六年知縣王完攢造九都曰懷遠岢嵐一岢嵐二岢嵐三下管臨河一臨河二在坊在廂今並爲四都每都十甲共四十甲

懷遠都

十甲

岢嵐都

十甲

臨河都

十甲

坊廂都

十甲

舖舍

縣無驛站止舖舍十處

車家庄舖 縣東十二里

陽會崖舖 縣東三十里

界河口舖 縣東六十里

平淵頭舖 縣南二十里

栢松板舖 縣南四十里

康寧庄舖 縣南五十里

界墩塢舖 縣南七十里

觸河溝舖 縣北二十里

蘇家脚舖 縣北四十里

赤峪溝舖 縣北六十里

集市

舊志載鄉村集市共有八處曰石門庄黃家灘
劉家庄蔡家會牛家坡趙家坪黑峪口魏家灘
今止存二

康寧庄集

在縣南五十里

蔡家會集

在縣南二百里

渡口

縣之西境皆緣黃河上下綿亘一百五十里共
設渡口八處

北會渡

至南會十里

南會渡

至裴家川二十里

裴家川渡

至黑峪口二十里

黑峪口渡

至巡檢司十里

巡檢司渡

至羅峪口三十里

羅峪口渡

至石灰口二十里

石灰口渡

至大峪口四十里

大峪口渡

至臨縣界十里

橋梁

縣內蔚汾嵐漪南川之水皆不時暴漲不可爲橋惟城外諸泉水作橋於上以通往來

利涉橋

在東門外通惠泉流於下嘉靖三十七年知縣王完以石砌之

水門橋

在北門外通惠泉經其下

下石橋

在北關龍王廟前五龍泉經其下

上石橋

在北關栖霞觀左側棗溝水經其下

興縣志卷之五

山川

古者封建錫之山川土田附庸故詩曰泰山巖巖魯邦所瞻又曰滔滔江漢南國之紀言國依山川以立也時異代殊郡國移易而名山大川亘古不遷故輿圖地志表此爲宗其間形勢之勝攻守之宜物產之繁殖澗泉林麓之蔭溉具焉今之郡縣卽古之列國有事於山川其同之矣飭山材通水利尤牧民者所首務也志山川

山

峨嵋山

在縣署北三峯矗起中最高峯建文昌閣朱欄碧甍卓立雲霄其東建真武廟

西則縣署之後宅也

南山

在縣城南蔚汾水南石壁峭拔峯巔有南山寺石壁高處有洞洞中鑄石成佛

像無筭曰萬佛洞山下樹木葱蔚皆成園林

石樓山

在縣東北五十里萬山之中一峯突起石壁層接如樓閣狀峯頂寬平如砥勝

境也

石堠山

在縣東北四十里其巔怪石攢簇曰蓮花峯峯西有石高數十丈形方如斥堠

曰石堠峯峯北一峯另立石脉中斷以木架危橋而渡峯頂巨石周砌上有祠

廟曰堠山寺石堠峯南巖壑幽邃有泉曰黑龍池池東曰白虎巖有僧與虎化

於巖中今其蹟猶在焉

大寨山

在縣東三十里石脉臥而疊起其高極目上有寨曰高王寨俗傳高歡所築也

桃花山

在縣東二十五里危峯獨秀雄視諸山其上有桃花寨山多桃杏三春花開爛

然若霞

十盤山

在縣東七十里林木茂密巖壑秀美蹊徑盤迴凡十八曲而後躋其巔故名

合查山

在縣東南八十里高可二十里為諸山之冠數百里外望之蒼翠插天山頂有

神祠禱雨輒應

陽山

在縣東南九十里即合查山之陽危峰刻削如聳刃怪石如龍瞰虎踞羅時峯

脊不敢仰視中峯之下曰伽佗嶺松檜數萬株皆合抱嶺上有廣應侯祠其高

峯上建真武廟東峯有巖曰迴光巖林巒環周競秀爭奇入其中者不復知有

人問世矣

紫荆山

在縣西南九十里陂陀綿亘中多叢薄無日不生白雲朝暮之間氣象萬千

浩旻山

在縣西南一百二十里黃河岸上懸崖斗絕數百丈有石磴綠鉄索而升曰南

天門上出重霄下臨深壑觀者股栗

採林山

在縣西南四十里林巒高峻舊志載採林積雪亦一景也

卧龍岡

在縣西北七十里岡南雙峯如兩堦兩堦之前石壁橫亘數千仞其下有洞水

從洞出與嵐漪水合洞上石壁望之如橋

小寨山

在縣北五十里一峯獨立上有寺廟蓋鄉人避兵處也

天磴山

在小寨山南石壁中裂從裂縫中望其中石面皆如磴齒狀齟齬相對

太平山

在縣北四十里前曰太平溝迤邐盤曲甚幽遠上有雙峯對峙曰雙山峪

洞

仙洞

在縣東桃花山南山腰一石穴可通人
人其中時窺時隘如門戶者三三門之

內右平地可二畝許四望皆石穴相通
遊者恐迷路不能窮其所止從南東一

穴入忽有清淵湛深水中三石柱上播
洞頂燦如白玉柱兩旁有洞望之窈然

石乳洞

在縣東大寨山下口經尺餘人蛇行而
入其中如屋屋壁有小口人側身入則

又如屋屋頂有鐘
乳涓滴下成白石

樺林洞

在縣東南六十里山多樺木巖內洞穴
相通如陶復陶穴可容人居

北石洞

在縣東南合查山北峯頂石洞直透山
背望之通明

南石洞

在北石洞之南兩
峯相望洞狀畧同

水

黃河水

在縣西五十里自保德州入縣南達臨
縣河西岸爲陝西府谷縣神木縣葭州

等處

蔚汾水

發源嵐縣王圍山西流至界河口入興縣界經縣治之南西流至黑峪口入黃

河

嵐漪水

發源於嵐州西流至溫泉入興縣界又西流至裴家川口入黃河

南川水

發源於合查山西北流至趙家川口與蔚汾水合入黃河

交樓水

發源於十八盤山西流至交口與蔚汾水合

泉

通惠泉

在城北樓霞觀下泉上有水神祠流至北門引入城中綠街穿巷半出西門半

出南門水清而甘合邑取汲焉

五龍泉

在城東五龍祠旁上下五泉皆清而甘煎茶甚佳不減谷廉第一也

介泉 在縣東界河口清暉亭下

新泉 在清暉亭東

卦石泉

在桃花山旁泉中出小石如神前卦筴六觚兩角庶隅宛然

黑龍泉

在石堠山林壑深處有石岩岩下有兩泉滿而不溢左爲人泉可飲右爲神泉

飲之多腹痛取其水以禱雨輒應

飲馬泉

在合查山七峯頂一泓取之不竭不取不流俗名山神飲馬池

紫荊泉

在紫荊山南泉水甚大流出成河冬月不凍常有鴛鴦翠鳥翔遊其上

南泉

在縣北葦園坪南泉上有石方數丈石上有古栢栢根四出環抱其石密經細

織縹如

浩旻泉

在浩旻山南天門東山巔岩罅倒出如注

興縣志卷之六

物產

廣川大澤萃扶輿之氣以蕃滋庶彙民生其間
得以阜財求通貨賄然奇淫奢靡俗亦少敵焉
傳曰沃土之民不材淫也瘠土之民莫不好義
勞也興邑地磽山瘠物產不蕃無淫靡之物以
蕩人心故俗儉而民朴然田疇所入畝不能以
斛計而山植水潛助粒食之不及者無幾一值
歲歉雖拾橡縑苧猶且難之有牧民之責者其
何以物土宜佐百姓哉志物產

五穀

大麥 小麥 莠麥 莠麥 稻 稷 黍

糜 秫 麻 草麻 芝麻 大豆 小豆

莞豆 匾豆 藁豆 豇豆 黑豆 黃豆

紅豆 刀豆 滾豆

果菜

桃 杏 李 棗 榛 海棠 櫻桃 沙果

山梨 棠梨 葡萄 西瓜 王瓜 獐瓜

甜瓜 菜瓜 南瓜 茄子 芥菜 蔓菁

茱蘭 白菜 芹菜 菠菜 苘蒿 蒿苳

山藥 蕨菜 芍藥 羊肚 蘑菇 筆頭

花卉

碧桃 玫瑰 牡丹 芍藥 萱草 虞美人

麗春 迎春 探春 山丹 石竹 七里香

丁香 瑞香 刺梅 金簪 王簪 秋海棠

月季 紫荊 鳳仙 蜀葵 雞冠 老來紅

石榴 木槿 篇蓄 卷丹 秋菊 六月菊

秋葉 翠蛾 金蓮 金銀花

樹木

松 栢 樅 桑 柳 槐 榉 樺 榆

桐 杞 楸 檜 檉柳 白楊 青楊

藥材

黨參 元參 沙參 葳蕤 柴胡 黃耆

大黃 蒼朮 荆芥 麻黃 甘草 黃精

薄荷 防風 芍藥 連翹 百合 紫草

牽牛 地榆 地丁 牛蒡子 車前子 款

冬花 地膚子 王不留行 千金子 澤瀉

水族

鯉魚 鱖魚 鮎魚 田雞 蝌蚪 蛙

蛭蛇

飛禽

雉 鳩 鴉 鵲 雀 鴿 鷓 鷓 雞

鶯 鴨 雉 鳩 黃鳥 鵲 鷓 鷓 雞 山雞

石雞 鸛 鴉 鷓 布穀

走獸

虎 豹 鹿 麋 麝 豺 狼 狐 兔

犬 馬 牛 羊 驢 騾 豕 獬 獮

貓 松鼠 獺

興縣志卷之七

風俗

傳曰民涵五常之性其剛柔緩急繫水土之風氣故謂之風好惡取舍隨生人之情欲故謂之俗古者太史陳詩以觀民風察政教三代而後郡縣有司急管鑰簿書不暇及於風化然循吏如龔韓黃名輩表孝弟崇禮讓民蒸蒸從父然則風醇俗美視乎政與人耳豈限今古哉語曰士不學問無以變質民不更化無以善俗又曰因時爲政者事半而功倍從俗爲治者吏習而

民安之故將欲移俗必先知其所蔽將欲從俗必先知其所宜輶軒之采所以亟也作風俗

詩十五國惟唐風近古蟋蟀山樞思奢儉之中懷生死之慮興古唐地故其民樸直而勤儉士閉戶自守恥干謁農夫力穡崇嶺峻阪無不耕植工無竒技淫巧地僻不通舟車無富商大賈梭布粟麥列肆負販是以俗不奢靡事節儉務蓋藏不爲竒袤綺麗之服士大夫鄉處者徒走過從不解乘車張蓋婦女親操井臼雖富家巨室縫紉炊爨不自暇逸苦志守節者比屋多有

所謂思深哉其有陶唐氏之遺乎非虛語也然
直不合義儉不中禮介在太原雁門之間多與
燕趙同俗僕忤任氣力患其剽悍士人氣高而
量褊平居科頭箕踞相見不能爲揖讓寒溫婚
會喪祭皆無儀節舊家巨族聚處城中子弟遊
手坐食率以析產致窘城無萬金之產鄉無百
家之村營窟陶穴以糠覈茶芑爲常食愚心愿
質不能以智自給睚眦叱咤輒至毆訟以罹刑
辟此其弊也是故民猶土也惟陶者所埏埴亦
猶木也惟匠者所繩削以興邑之勤儉樸直若

化之以德教其質易於爲善撫馭失宜則怨憤鬪爭之風起矣官斯土者或上依韓延壽名信臣故事及蜀文翁壘渤海所次條教躬行勸導設誠而涵濡之則風土何陋之有雖彬彬然與鄒魯同可也故以四禮爲經而類記其風俗如左

冠

古者男子二十冠而字女子許嫁笄而字興邑冠禮久廢衣帽少長無別先時猶以旣昏爲成人乃與賓客燕會近世富家競以裘帛飾其孩

稚與長者居位並行少長之節廢而俗不知讓
有由然也女子但總角嫁後乃冠髻猶有笄禮
之遺意焉

昏

古者昏禮六家禮約爲三與邑謂納采爲許話
納幣爲送錢俱不告廟具書許話之曰男家惟
寫庚帖並釵鐲等項請親朋四人爲媒送至女
家女家寫女庚帖以靴帽等項回禮送錢之曰
舊俗猶送銀米近止送首飾貧者不過紅紬一
疋女家以受財爲恥猶有古道親迎之日有犬

娶小娶之別大娶則翁及婿皆至女家兼有陪翁伴婿女家留席俟新婦行壻乃起至家同拜天地而無交拜合巹之禮小娶不親迎女家以子弟二人送至男家抱女至房蒙頭背坐毫無儀節次日五更女家親戚卽接女去午後盛飾而回行明倫禮親族至者皆有拜儀新婦拜舅姑及諸尊長不過立肅而已不親迎不合巹不行饋獻不廟見故新婦多不知事其舅姑與敬其夫婚姻不正之故也婦人好燕會歲時過從無限度女在母家坐必居上同行則女在母先

非禮也

喪

古者喪禮最爲繁重興俗屬續後男女皆遷正寢不復病革之時卽爲醜面及手易新衣有爵者加朝服頂帶舖斂衾於棺內卽日入棺有棺而無槨無小斂大斂儀節幘目用紙含而不飯以麻絆足計不以書但寫帖榜通衢親友助喪者謂之照什房擇日開弔盛張屏幃門設鼓樂親友但紙錢數張來弔喪家以粗細麻布折作孝巾答之謂之燒紙次日空手來靈前一拜謂

身集卷之六
四

之道煩惱卽弔也客來無舉哀者非有祭孝子
不離位還禮古者喪服皆自具與邑喪家以梭
布遍送有服之親謂之散孝麻布有粗細二種
同姓用粗異姓用細冠無首絰衣裳同幅無辟
領負版衰衽大功以下但用布袍而已將葬無
遷柩朝祖遣奠之禮但於葬前一日仍行燒紙
親友於是晚會飲靈前侑以鼓樂謂之伴靈發
引之曰以紙作方相瓔珞銀錢人馬等項導至
墳而火之謂之紙火旣葬至家不復哭次日不
再虞親友每家送盒一付次日墓祭謂之復三

凡送盒者皆謝之小祥大祥如復三禮所謂喪
席喪戲尙知其非而不行浮屠佛事有行者有
不行者惟素服必滿三年不止二十七月女之
適人多不降服雖非禮然所謂失於厚者君子
猶有取焉然甫除喪卽帖聯懸彩吉服燕會幾
如喜禮則又太急矣

祭

興邑宗法不立故族無祠堂家無廟有力之家
葬畢迎主回置於客廳無客廳者置於內室無
四時祭享之儀惟冬至元旦薦食行四拜或九

興鼎志 卷之十 五
拜禮雖士大夫家不知祭儀析產者亦拔長子
長孫田然不知其爲祭設也

士相見

儀禮載士相見禮甚悉興邑朴畧親友相見不
解奉一揖相爾女無行輩稱呼故見賓客則手
足無所措而不能寒溫歲時燕會正月爲盛其
他憂喜慰賀隨時舊時率以小碗或八或十迄
漸奢便飯必五簋四盤酒席加焉時用山珍海
錯鄉里社會率以事神爲名聚飲無禮文至立
宗法睦族姓修鄉約序少長習威儀則未之前

聞也以上五條志其得禮失禮之梗槩使司風化者有所據以爲轉移他如元宵燈火端午蒲艾中秋瓜餅重陽糕酒之類率與四方相同故不詳載惟清明及七月望日家家墓祭歸或置酒請族人共飲猶有尊祖睦族之意焉

論曰禮與俗相維俗之壞禮之失也然由奢而失者難返由儉而失者易救謂奢則不遜而儉止固也興俗頗儉矣因其質而文之所謂一變至道其在斯乎傳曰國奢示儉國儉示禮記曰教訓正俗非禮不備信哉